

02/12/1999

Azhar terima anugerah khas Kapten Kehormat

PELAYAR solo negara, Datuk Azhar Mansor malam tadi menerima anugerah khas Kapten Kehormat dari Tentera Laut Diraja Malaysia (TLDM) sebagai menghargai kejayaan beliau menjadi rakyat Malaysia pertama belayar mengelilingi dunia, 11 Ogos lalu.

Anugerah itu disampaikan Perdana Menteri, Datuk Seri Dr Mahathir Mohamad, pada majlis jamuan selamat datang untuk delegasi Pameran Udara dan Maritim Antarabangsa Langkawi (Lima '99) di Pusat Pameran Antarabangsa Mahsuri (MIEC) di sini, malam ini.

Hadir sama, Menteri Pertahanan, Datuk Abu Bakar Mustapha dan Panglima TLDM, Laksamana Madya Datuk Seri Abu Bakar Jamal.

Azhar mencatat masa selama 190 hari enam jam 57 minit dan dua saat untuk melengkapkan pelayaran bersejarah itu.

Beliau memulakan pelayaran mengelilingi dunia secara solo dari Awana Porto Malai, Tanjung Malai, Langkawi, 2 Februari lalu dan melepasi garisan penamat di antara Jeti Star Cruise dan Pulau Intan Besar, Langkawi, 11 Ogos lalu.

Azhar yang dilahirkan di Padang Katong, Kangar, pada 11 Februari 1958, sebelum ini turut menerima Darjah Paduka Putra Jamalullail daripada Raja Perlis yang membawa gelaran Datuk sempena sambutan keputeraan baginda ke-82 pada 18 Mei lalu.

(END)